

SESIÓN ORDINARIA CELEBRADA POLO PLENO DO CONCELLO O DÍA
26 - MAIO - 2010

ORDE DO DÍA

- 1.- APROBACIÓN DA ACTA DA ÚLTIMA SESIÓN.
- 2.- DAR CONTA DE EXPEDIENTES ADMINISTRATIVOS DE MODIFICACIÓN DE CRÉDITO.
- 3.- DICTAME DA COMISIÓN INFORMATIVA DE CULTURA, SOBRE APOIO Á UNIVERSIDADE DE VIGO, PARA O PROXECTO "CAMPUS DO MAR".
- 4.- ACTIVIDADE DE CONTROL DO PLENO:
 - 4.1.- DAR CONTA DE RESOLUCIÓNS DA ALCALDÍA E CONCELLEIROS DELEGADOS.
 - 4.2.- MOCIÓNS.
 - 4.2.1. MOCIÓN DO GRUPO MUNICIPAL DO PP, S/ CONXELACIÓN DAS PENSIÓNS.
 - 4.2.2.- MOCIÓN DE URXENCIA S/ ENMENDA Á PROPOSTA DO CONSELLO PARROQUIAL DE CHAPELA, SOBRE AMPLIACIÓN AP/9.-
 - 4.3.- ROGOS E PREGUNTAS.

Na Casa do Concello de Redondela, sendo as vinte horas e corenta e dous minutos do día vinteseis de maio de dous mil dez, baixo a Presidencia do Sr. Alcalde, D. XAIME REI BARREIRO e a asistencia dos/as Sres./as Concelleiros/as: D. EDUARDO JOSÉ REGUERA OCAMPO, D. EMILIO GONZÁLEZ IGLESIAS, D^a. LAURA LAGO ALLER, D^a. MARIA ALBINA REBOREDO SURIS, D. MANUEL IGLESIAS CARRERA, D. CARLOS GONZÁLEZ FERNÁNDEZ, D. JOSÉ GARCÍA MÍGUEZ, D^a. FRANCISCA CANAL GÓMEZ, D. JUAN TIZÓN CABALEIRO, D. JOSÉ ALBERTO PAZOS COUÑAGO, D. MIGUEL ANGEL ALVAREZ BALLESTEROS, D^a. HERMINDA QUELLE FERNÁNDEZ, DONA. MARIA LORENA LÓPEZ RODRÍGUEZ, D. CÁNDIDO VILABOA FIGUEROA, D^a. LAURA ALONSO GÓMEZ, D. XOSÉ CARLOS PAZOS DOCAMPO, D^a. MARÍA ANXELES BABARRO FERNÁNDEZ, D^a. ROSA MARIA COSTAS ESTÉVEZ, D. ALEJANDRO BASTOS FERNÁNDEZ, e D. BENIGNO GARCÍA-LUENGO MONTERO, tamén asistiu o Sra. Interventora Xeral do Concello D^a. AGUEDA BELLO VALDÉS, actuando como Secretaria a Secretaria Xeral da Corporación DONA. ANA BEGOÑA MERINO GIL, constitúese o Pleno do Concello, en sesión ordinaria, conforme á convocatoria e de acordo coa Orde do Día.

INCIDENCIAS.-

Con carácter previo ao tratamento dos asuntos incluídos na Orde do Día, a Corporación garda un minuto de silencio en lembranza das vítimas da violencia de xénero.-

A Presidencia declara aberta a sesión, en primeira convocatoria, procedéndose a tratar o único punto da Orde do Día.-



(Selo da Corporación)

(Sinatura do Presidente)

Folio N.º

Serie A N.º 2237205

1.- APROBACIÓN DA ACTA DA ÚLTIMA SESIÓN.-

Non se formulan observacións, e o Pleno do Concello, en votación ordinaria e por unanimidade dos/as Sres./as concelleiros/as, sendo vinteun votos a favor (8 do PSdeG-PSOE, 8 do PP, 3 do BNG, e 2 do PG), acorda prestar aprobación ao acta da sesión celebrada con carácter extraordinario o día **13 de maio de 2010**, coa rectificación na cabeceira da acta do carácter da mesma, que é extraordinaria e non ordinaria como por erro involuntario figura.-

2.- ACHEGA DE EXPEDIENTES ADMINISTRATIVOS DE MODIFICACIÓN DE CRÉDITO.-

Infórmase do seguinte expediente administrativo de modificación de crédito:

- 10/10, aprobado por Resolución da Alcaldía de data 10.03.10, mediante xeración de crédito, por importe de 3.247.112,95 euros.

Non se formulan observacións e o Pleno do Concello queda informado do expediente administrativo de modificación de crédito anteriormente mencionado.-

3.- DICTAME DA COMISIÓN INFORMATIVA DE CULTURA, SOBRE APOIO Á UNIVERSIDADE DE VIGO, PARA O PROXECTO "CAMPUS DO MAR".-

ANTECEDENTES.-

Dictame da Comisión Informativa de Cultura, de data 24 de maio de 2010, que transcrito dí:

"Examinada a proposta da Alcaldía, que transcrita di:

"A Universidade de inicios do século XXI, enfrontada a unha época caracterizada pola globalización, debe desenvolverse nun escenario de elevada competencia que require xuntar esforzos dirixidos a mellorar a calidade da oferta, a internacionalización e a excelencia tanto na investigación como na docencia.

O programa de Campus de Excelencia Internacional (CEI), impulsado polos Ministerios de Educación e de Ciencia e Innovación do Goberno de España, trata de promover a posta en marcha dun novo concepto de campus universitario no eido local e territorial de coñecemento, creando agregacións estratéxicas de universidades, institutos de investigación, parques científicos, empresas e outros axentes relacionados no coñecemento onde poidan interactuar, desenvolverse e alcanzar a excelencia e a internacionalización.

O programa Campus de Excelencia Internacional busca situar aos centros españois de ensino superior entre os máis destacados do mundo con proxectos innovadores que impulsen a modernización do sistema universitario español.

Os principios obxectivos que persegue un Campus de Excelencia Internacional son:

- Identificación de proxectos de agregación nos campus universitarios máis preparados para competir no mundo global da educación superior.

- Fortalecemento da interacción dos campus universitarios no ámbito local e rexional, mediante agregacións e alizanzas estratéxicas.
- Identificación de fortalezas de coñecemento con axentes sociais e económicos, locais e territoriais

A vista disto, esta Alcaldía ven en propoñer:

Apoiar a candidatura "CAMPUS DO MAR. KNOWLEDGE IN DEPTH", que liderada pola Uniniversidade de Vigo, presentan as universidades e organismos de investigación de Galicia e o norte de Portugal."

A Comisión en votación ordinaria e por unanimidade dos señores asistentes acorda informar favorablemente a proposta transcrita."

VOTACIÓN E ACORDO.-

Sometido o asunto a votación, o Concello Pleno, en votación ordinaria e por unanimidade dos/as Sres./Sras. Concelleiros/as, aprobou, nos seus propios termos, o dictame da Comisión Informativa de Cultura, nos antecedentes transcrito.-

4.- ACTIVIDADE DE CONTROL DO PLENO:

4.1.- DAR CONTA DE RESOLUCIÓNS DA ALCALDÍA E CONCELLEIROS DELEGADOS.-

O Concello Pleno queda informado do contido das Resolucións da Alcaldía e dos Concelleiros Delegados dende o día 22 de abril ata o 15 de maio de 2010.-

4.2.- MOCIÓNS.-

4.2.1.- MOCIÓN DO GRUPO MUNICIPAL DO PP, S/ CONXELACIÓN DAS PENSÍONS.-

ANTECEDENTES.-

Moción presentada polo Grupo Municipal do Partido Popular, no Rexistro Xeral do Concello, con data 24 de maio de 2010, que transcrita dí:

"As graves dificultades económicas e de paro que vive o noso país e o desmesurado déficit público, obrigan a adoptar medidas extraordinarias, tamén esixidas pola nosa pertenza á zona euro, que a súa vez atravesamos un período de inestabilidade ao que é preciso dar solucións coordinadas. Neste contexto o Presidente do Goberno anunciou o pasado 12 de maio no Congreso dos Deputados algunhas decisións que, de adoptarse, lesionarían inxusta o inxustificadamente a máis de 5 millóns de pensionistas españois, rompendo de paso un dos logros maiores da nosa democracia: o Pacto de Toledo.

Convén recordar que dito Pacto de Estado alcanzouse en 1995 entre todos os Grupos Parlamentarios, e mereceu o respaldo dos sindicatos en 1996 mediante o acordo sobre consolidación e racionalización dos sistema de pensións.



(Selo da Corporación)

(Sinatura do Presidente)

Folio N.º

Serie A N.º 2237206

Estes acordos, froito dun amplo e responsable diálogo político e social, sacaron á nosa Seguridade Social da incerteza económica e garantiron un sólido compromiso de todos para facer viable e sostible a nosa Seguridade Social.

500.000 millóns de pesetas de déficit, inseguridade de poder cobrar as pensións e incerteza dos pensionistas para manter o seu poder adquisitivo foron, entre outras, razóns para que todos os partidos asumisen o Pacto de Toledo e as súas recomendacións.

A Lei 24/1997, de 16 de xullo, de consolidación e racionalización da Seguridade, foi resultado directo do Pacto de Toledo, cuxo cumprimento se quixo garantir coa participación de todos os Grupos Parlamentarios, constituíndo ao efecto unha Comisión no Congreso dos Deputados. Este Comisión foi avaliando o cumprimento de compromisos e recomendacións dende entón e fíxoo con eficacia e con rigor baixo diversos gobernos.

Na actualidade está examinando un documento de data 29 de xaneiro de 2010, enviado polo Goberno para exame e debate, de modo que os acordos que puidesen alcanzarse desen lugar a aquelas reformas e modificacións legais pactadas entre todos os grupos políticos, sen esquecer a participación dos axentes sociais no proceso de diálogo social actual aberto.

O anuncio de recortes nos dereitos dos pensionistas, principalmente o dereito á revalorización en función do IPC (artigo 11 da Lei 24/1997, de 16 de xullo), vén romper o Pacto de Toledo, unhas das máis importantes conquistas da nosa democracia. Estes recortes privan de dereitos a máis de cinco millóns de pensionistas e fainos retroceder aos tempos nos que o Goberno, segundo criterios de oportunidade e de conveniencia política, daba o negaba a revalorización das pensións e, xa que logo, daba ou quitaba poder adquisitivo ás debilitadas economías dos pensionistas.

Produciríanse outros efectos adicionais e indesexables de empobrecemento para os pensionistas ao bloquear "sine die" a base sobre a que se actualizarían as pensións tras o bloqueo da súa contía que expón que agora o Goberno.

A experiencia indica que este tipo de medidas, combinadas coa elevación de impostos, en especial o IVE (2 puntos de subida en xullo próximo), serán problemas engadidos no consumo e no emprego, cuxa evolución, senón se corrixe con reformas adecuadas, porá en perigo os ingresos por cotizacións, que son esenciais para manter o noso sistema de Seguridade Social.

Todo elo, sen esquecer que a reforma anunciada polo Goberno afectará especialmente a Galicia, unha das CCAA que conta coas pensións máis baixas do conxunto do Estado.

Por todo iso, o Grupo Municipal Popular de Redondela, eleva ao Pleno para a súa consideración a seguinte Moción:

1º).- Instar ao Goberno da Nación a que elimine as medidas previstas para a supresión da revalorización das pensións contributivas.

2º).- Solicitar que se convoque a Comisión do Pacto de Toledo de modo urxente para renovar os traballos da mesma, a fin de que se acorden por todos os grupos as reformas que sexan necesarias para que se garanta a viabilidade e o futuro do noso sistema de Seguridade Social."

INTERVENCIÓNS.-

O concelleiro señor Bastos Fernández dí que é un tema que nos afecta a todos e se manifesta totalmente a favor da moción.

O concelleiro señor Pazos Docampo di que comparten o feito de non estar de acordo coa conxelación das pensións pero lle parece que a postura do PP é un pouco contradictoria, posto que non se lles escoita nada relacionado por exemplo co soldo do presidente de Caixanova....etc. Estarían de acordo en apoiar-la moción se cambiaran o termino goberno da nación por goberno do estado e se suprimiran as referencias ao Pacto de Toledo, co que o BNG nunca estivo de acordo.

O concelleiro señor González Iglesias sinala que aínda que o PP considera insuficientes as medidas non mirou que dende esta formación política se fixera unha proposta coherente de medidas. Indica que dende o 2004 as pensións mínimas subiron un 50% e que as pensións non contributivas e as mínimas sí vanse revalorizar. Di que sómentes se trata dun esforzo mínimo comparado co que se fixo nos últimos seis anos e anuncia que o seu grupo vaise a abster.

A concelleira señora Canal Gómez entende que o BNG non estea de acordo co Pacto de Toledo e négase a rectificar ningún aspecto da moción por non consideralo procedente.

O concelleiro señor Bastos Fernández di que este é un problema no que o Concello de Redondela ten pouco que aportar.

O concelleiro señor Pazos Docampo quere deixar claro que están en contra de que se conxelen as pensións e sinala que o Pacto de Toledo abriu a porta ás pensións privadas.

O concelleiro señor González Iglesias sinala que o PP ten contradicións xa que cando están na oposición maniféstanse contra todo e despois cando gobernan olvídanse.

VOTACIÓN E ACORDO.-

Sometido o asunto a votación, o Concello Pleno, en votación ordinaria e por maioría dos/as Sres./as concelleiros/as, sendo dez votos a favor (8 do PP e 2 do P.G.), e once abstencións (8 do PSdeG-PSOE e 3 do B.N.G), aprobou, nos seus propios termos, a Moción do Grupo Municipal do PP, nos antecedentes transcrita.-

4.2.2.- MOCIÓN DE URXENCIA S/ ENMENDA Á PROPOSTA DO CONSELLO PARROQUIAL DE CHAPELA, SOBRE AMPLIACIÓN AP/9.-

O concelleiro D. Emilio González Iglesias, como voceiro do Grupo Municipal do PSdeG-PSOE, presenta a seguinte moción de urxencia:

Urxir a construción da A-59 gratuita, unha nova vía de alta capacidade entre Vigo e Pontevedra, con acceso ao aeroporto de Peinador.

Previa declaración de urxencia, acordada en votación ordinaria e por unanimidade dos/as Sres./as Concelleiros/as, se somete a votación a moción presentada, e o Concello Pleno, en votación ordinaria e por maioría dos/as Sres./as concelleiros/as asistentes, sendo once votos a favor (8 do PSdeG-PSOE e 3 do B.N.G.), oito votos en contra (8 do PP) e dúas abstencións (2 do PG), aprobou, nos seus propios termos, a moción presentada polo Grupo Municipal do PSdeG-PSOE, anteriormente transcrita.-



(Sinatura do Presidente)

Folio N.º

Serie A N.º 2237207

8.3.- ROGOS E PREGUNTAS.

- O concelleiro D. MIGUEL ANGEL ALVAREZ BALLESTEROS, pregunta en que fase se atopa a instalación de puntos de acceso wifi nos centros sociais do Concello, incluídos dentro do proxecto do Plan Marisma.

Respóndalle o Sr. Alcalde manifestando que xa foron enviadas as invitacións e que a contratación está en prazo.

- A concelleira D^a. LORENA LÓPEZ RODRÍGUEZ, formula a seguinte pregunta: Que no Pleno ordinario do mes de abril solicitouse a adopción de medidas urxentes para a limpeza, conservación e mantemento do areal da praia de Arealonga, así como para que sexan atendidas as demandas da veciñanza que esixen a retirada das pedras que dificultan o acceso á zona de baño, e descoñecendo as xestións levadas a cabo polo goberno local neste mes, formula a seguinte pregunta:

¿Que medidas concretas adoptáronse e en qué momento de execución se atopan, así como se será posible a retirada de ditas pedras antes do verán?.

Respóndalle o Sr. Pazos Docampo e dí que os especialistas teñen establecido que as pedras de abaixo non se lles pode tocar.

- O concelleiro D. JOSÉ ALBERTO PAZOS COUÑAGO, formula a seguinte pregunta:

No pleno celebrado o pasado mes de xaneiro, este grupo municipal propuxo que se procedese a realizar as xestións necesarias a fin de habilitar de forma provisional os terreos en que debiera ubicarse o auditorio de a Marisma. Dita proposta foi rechazada porque, segundo o concelleiro de tráfico, non existía posibilidade legal de utilizar eses terreos para dito fin.

Porén, poucas semanas despois desas manifestacións do Concelleiro de Tráfico, observamos que con motivo das distintas celebracións que se veñen sucedendo en Redondela, os terreos que a lei impedía utilizar como aparcadoiro, se ocuparan por un número importante de caravanas, camiións, atraccións e vehículos particulares, sen que se producira ningunha actuación por parte dos servizos municipais.

Resulta difícil comprender porque o que onte estaba prohibido, hoxe se permite, e incluso se fomenta, e é por iso que formulamos a seguinte pregunta:

¿Por qué o goberno municipal permite que distintos vehículos estacionen nuns terreos onde supostamente está prohibido este uso?.

Respóndalle o concelleiro Sr. Reguera Ocampo, e sinala que foi unha cuestión puntual para poder habilitar un espacio para os feirantes.

- O concelleiro D. MIGUEL ANGEL ALVAREZ BALLESTEROS, formula os seguintes rogos:

"No pasado pleno este concelleiro presentou unha moción en relación aos puntos negros de lixo que se atopan espallados por todo o Concello. Nesta moción, entre outros puntos, pedíase unha campaña de sensibilización para evitar dalgún xeito que se verta lixo de todo tipo de forma indiscriminada e en calquera lugar. A Moción foi rexeitada polo grupo de goberno con argumentos tales como que "non era necesaria facer este tipo de accións porque xa se están a levar a cabo de forma normal".

Un destes lugares nos que se pode atopar semanalmente grandes cantidades de lixo está no Camiño da Bruxa, diante do único parque forestal con mesas e auga corrente que temos en Chapela para uso e disfrute da veciñanza. Como queira que é noxenta a imaxe que se está a proxectar do noso Concello por parte dos que fan estes verquidos, rogo unha vez máis que se faga un esforzo especial para mellorar esta situación retomando e poñendo en funcionamento algún dos puntos rexeitados na moción do pasado pleno, máxime nestas datas nas que aumenta a afluencia de xente a sitios de esparcemento coma este."

"Dende fai ano e medio se veñen presentando no rexistro do Concello peticións de arranxo do Camiño Rebouza, tanto por parte dos veciños coma deste concelleiro. Como queira que a día de hoxe aínda non se fixo nada para solucionar este problema que están a padecer os veciños e co paso do duro inverno que se sufriu o camiño foi a peor.

Rogo que se asfalte dito camiño coa maior urxencia posible.

- A concelleira DONA. LORENA LÓPEZ RODRÍGUEZ, formula os seguintes rogos:

"Que vistos os crecentes problemas de aparcadoiro que sofre diariamente a parroquia de Chapela e os poucos espazos destinados a dito fin, roga que, con independencia das medidas que se impulsen para o fomento dunha mobilidade sostible e menor dependencia do vehículo privado, se leve a cabo unha planificación das necesidades de aparcadoiro público que permita habilitar os espazos necesarios para solucionar este asunto."

"Que considerado o pésimo estado no que se atopan varios viarios públicos da parroquia de Chapela, entre eles, a baixada a Pescanova, o camiño da Doma, dos Balandros, Pasán, a subida ao Instituto de Chapela, e un largo listado, que comparten un estado de deterioro serio e fondas foxas que dificultan o tránsito de vehículos e peóns, e polo que ampliando o rogo presentado polo concelleiro Sr. Alvarez Ballesteros, roga a reparación inmediata de todos eles."

- O concelleiro D. JOSÉ ALBERTO PAZOS COUÑAGO, formula o seguinte rogo:

Fai xa tempo que rematou o prazo de execución das obras incluídas no FEIL. Non obstante, os carteis que anunciaban ditas obras continúan instalados nas súas ubicacións orixinais, sen que se coñeza motivo algún que xustifique a non retirada. Habida conta de que ditos carteis non contribúen ao embelecemento das nosas rúas, ademáis de recordarmos unha das causas dos recentes recortes sociais efectuados polo Goberno de España, vimos a formular o seguinte rogo:

Que polo Goberno Municipal se realicen as xestións necesarias a fin de proceder á retirada de ditos carteis.-

E, non habendo máis asuntos que tratar, pola Presidencia dase por rematada a mesma, sendo as vinteunha horas e dez minutos da data fixada no encabezamento, en proba de todo o que, se estende a presente acta, que se inscribiu no Libro dende a volta do folio núm. 049 do Papel Timbrado da Comunidade Autónoma de Galicia, Serie A nº 2237204 ata a volta do folio núm. 052, Serie A núm. 2237207, de todo o que, como Secretaria, DOU FE.-

O ALCALDE

XAIME REI BARREIRO

A SECRETARIA XERAL

ANA BEGOÑA MERINO GIL